

Мектеп директорларына

Жамбыл облысы әкімдігінің білім басқармасының «Жамбыл дарыны» аймақтық ғылыми-практикалық орталығының 18.02.2026 жылғы №133 хатына сәйкес Аягүл Миразова атындағы 8-9 сынып оқушыларына арналған II республикалық математикалық олимпиадасы өтетінін хабарлайды.


Олимпиада төрт кезеңде өткізіледі:

- 1) бірінші (мектепшілік) кезең-2026 жылғы 23 ақпанға дейін;
- 2) екінші (аудандық) кезең-2026 жылғы 25 ақпан, 10:00-де;
- 3) үшінші (облыстық) кезең-2026 жылдың 4-5 наурыз, 10:00-де;
- 4) төртінші (республикалық) кезең.

Осыған орай мектепшілік кезеңде жоғары нәтиже көрсеткен оқушылар (8 сыныптан-1 оқушы, 9-сыныптан- 1 оқушы) аудандық кезеңге жолдама алады.

Олимпиаданың аудандық кезеңіне қатысатын оқушылар туралы өтінім 1-косымшаға сәйкес (23 ақпан соңғы күн) **24 ақпанға дейін** (тек abb_sholpan@mail.ru электронды поштасына сканер және word құжат түрінде электронды түрде) жіберулеріңізді сұранады.

Басшы м.у.а.



Б.Самылтыров

Орындаған: Ш.Толымбетова
87789182471

БЕКІТЕМІН
«Алматы дарыны» дарынды балалар мен
талантты жастарды анықтау және
қолдау орталығының директоры
Қаримғажы
« 06 » _____ 2026 ЖЫЛ

**Аягүл Миразова атындағы 8-9 сынып оқушыларына арналған республикалық
математикалық олимпиаданы өткізу туралы
ЕРЕЖЕ**

1. Жалпы ережелер

1. Аягүл Миразова атындағы республикалық математикалық олимпиадасын өткізу тәртібі туралы осы Ереже Қазақстан Республикасының еңбек сіңірген қайраткері, Еңбек Ері, «Алтын жұлдыз», «Отан» ордендерінің иегері Аягүл Миразованың есімімен байланысты олимпиаданың өткізілу тәртібін, мектеп оқушыларының қатысу тәртібін және олимпиада жеңімпаздары мен жүлдегерлерін анықтау ретін белгілейді (*бұдан әрі – Олимпиада*).

2. Олимпиаданың басты мақсаты – дарынды балаларды анықтау және қолдау, оқушылардың математикаға деген қызығушылығын арттыру, теориялық білімдері мен практикалық дағдыларын тереңдету, стандартты емес ойлау қабілетін дамыту және шығармашылық мүмкіндіктерін жетілдіру.

3. Әдістемелік кеңес Алматы қаласының Білім басқармасына қарасты «Алматы дарыны» дарынды балалар мен талантты жастарды анықтау және қолдау орталығы (*бұдан әрі – «Алматы дарыны» орталығы*) Олимпиада тапсырмаларының жиынтығын қазақ және орыс тілдерінде екінші (аудандық/қалалық), үшінші (облыстық) және төртінші (қорытынды) кезендеріне ұсынады.

4. Олимпиада төрт кезеңде өткізіледі:

- бірінші (мектепшілік) кезең;
- екінші (аудандық/қалалық) кезең;
- үшінші (облыстық) кезең;
- төртінші (республикалық/қорытынды) кезең.

5. Аудандық, облыстық кезендерді облыстық, Астана, Алматы, Шымкент қалаларының Білім басқармалары, «Назарбаев Зияткерлік мектептері» дербес білім беру ұйымы және республикалық білім беру ұйымдары өткізеді.

6. Алматы қаласы Білім Басқармасы мен «Алматы дарыны» орталығының ұйымдастыруымен өткізіледі.

2. Олимпиада қатысушылары

7. Олимпиадаға республикадағы 8-9 сынып оқушылары қатысады.
8. Олимпиада жалпы орта білімнің тереңдетілген деңгейіндегі оқу бағдарламаларының мазмұнына негізделген тапсырмалар бойынша өткізіледі.
9. Қорытынды кезеңге әр облыстан, Алматы, Астана, Шымкент қалаларынан және «Назарбаев Зияткерлік мектептері» дербес білім беру ұйымынан, республикалық білім беру ұйымдарынан ең жоғары ұпай жинаған 12 оқушы (8 сынып – 6, 9 сынып – 6) шақырылады.

3. Олимпиаданы өткізу тәртібі

10. Олимпиаданың әдістемелік кеңесі:

- Олимпиаданы ұйымдастыру және өткізуге қойылатын талаптарды әзірлейді, бекітеді және ұйымдастыру комитетіне жібереді;
- барлық кезеңдерге арналған тапсырмаларды жалпы орта білімнің тереңдетілген деңгейіндегі оқу бағдарламаларының мазмұны негізінде әзірлейді.

11. Академиялық адалдық, Олимпиаданы өткізудің ашықтығын, қатысушылардың жұмыстарын объективті бағалауды қамтамасыз ету үшін өңірлерде білім басшысының бұйрығымен өңірлік ұйымдастыру комитеті (бұдан әрі – *Ұйымдастыру комитеті*) құрылады.

12. Олимпиаданың екінші (аудандық/қалалық) және үшінші (облыстық) кезеңдерін ұйымдастыру және өткізу үшін аудандық/қалалық/облыстық білім басқармалары, РББҰ ұйымдастыру комитетін құрады және бекітеді. Ұйымдастыру комитетінің құрамына төраға мен ұйымдастыру комитетінің мүшелері кіреді. Аудандық/қалалық/облыстық білім басқармасының басшысы төраға болып табылады.

13. Олимпиаданың ұйымдастыру комитеті:

- Олимпиаданың облыстық кезеңіне басшылықты жүзеге асырады;
- Олимпиаданың ұйымдастырушылық және техникалық өткізу формасын анықтайды;
- Олимпиаданы ұйымдастырып, өткізуді қамтамасыз етеді;
- Олимпиада тапсырмаларының сақталуын қамтамасыз етеді және олардың құпиялылығы үшін Қазақстан Республикасының заңнамасына сәйкес жауапкершілік алады.

- «Алматы дарыны» орталығы екінші (аудандық/қалалық), үшінші (облыстық) кезеңдеріне арналған олимпиадалық тапсырмаларды құпиялылық сақталуды қамтамасыз ете отырып, бүкіл республика бойынша бір мезгілде ұйымдастыру комитетінің жауапты мүшесіне жібереді;

- аудандық/қалалық/облыстық білім бөлімдерінің басшылары Олимпиада тапсырмаларының құпиялылығын сақтауға және сапалы бейне трансляцияны ұйымдастыруға жауапты;

- ұсынылған олимпиадалық тапсырмалардың құпиялылығын қамтамасыз ету және сапалы бейнетрансляцияны қамтамасыз ету үшін жауапкершілік облыстардың, Астана, Алматы, Шымкент қалаларының білім басқармаларының және облыстық «Дарын» орталықтарының басшыларына жүктеледі.

- оқушылардың жұмысын тексеру аяқталғаннан кейін қорытынды хаттамалар аудандық/қалалық/облыстық білім басқармаларының интернет ресурсына салынады;

- Олимпиаданың кезеңін аяқтау нәтижелері бойынша аудандық/қалалық/облыстық білім басқармалары қорытынды хаттамаларға сәйкес кезең аяқталғаннан бастап Олимпиаданың келесі кезеңіне қатысу үшін командалар қалыптастырады.

14. Қатысушыларға тапсырмаларды ұжымдық шешуге, сондай-ақ тапсырмаларды бөгде адамдарға беруге тыйым салынады. Әлеуметтік желілерде немесе интернет-ресурстарда қатысушы таңбаланған Олимпиаданың тапсырмалары анықталған жағдайда, тапсырмалардың нәтижелерін тарату фактісі анықталған уақытқа қарамастан жұмыстар жойылады. Бұзушылықтар болған жағдайда тапсырмалардың сақталуы мен құпиялылығы үшін барлық жауапты тұлғалар жауапқа тартылуға тиіс.

15. Олимпиаданың әр кезеңінде қатысушылардың орындаған тапсырмаларын объективті бағалау үшін қазылар алқасы құрылады.

Қазылар алқасы:

- тапсырмаларды бекітілген критерийлер мен бағалау әдістемесіне сәйкес бағалайды;

- олимпиада барысында академиялық адалдық қағидаларын сақтауға жауап береді;

- олимпиада ұйымдастырушыларына нәтижелерді (хаттамаларды) бекіту үшін ұсынады.

- апелляцияға қазылар алқасының мүшелері мен Олимпиада қатысушысы қатысады. Ата-аналар, мұғалімдер және басқа адамдар сүйемелдеуге рұқсат етілмейді.

- апелляцияны қарастыру нәтижелері бойынша олимпиаданың қазылар алқасы апелляцияны қабылдамау, қойылған ұпайларды сақтау немесе апелляцияны қанағаттандыру және ұпайларды түзету туралы шешім қабылдайды. Апелляция нәтижелері қорытынды хаттамада көрсетіледі.

16. Қазылар алқасының құрамына жоғары оқу орындарының оқытушылары, әдіскерлер, тәжірибелі мұғалімдер және білім беру басқармаларының жоғары білікті өкілдері, сондай-ақ республикалық және халықаралық олимпиада жеңімпаздары кіруі мүмкін. Қазылар алқасына олимпиадаға қатысушылардың мұғалімдері мен жаттықтырушылары кірмейді.

17. Олимпиада аяқталғаннан кейін жауапты тұлға (IT-маман) жауап парақтарын көпфункционалды құрылғыда сканерлейді. Файл атауын дұрыс рәсімдей отырып, IT-маман жұмыстың сканерленген нұсқасын шифрлауға жіберіп, қорытынды хаттамамен бірге аудан/қала білім басқармасының интернет ресурсында

орналастырылады. Жұмыстарды сканерлеу және шифрлау процесі қатысушы өз жұмысын тапсырған, онлайн режимінде бақылауға мүмкіндік беретін бейнебақылау жүйесімен жабдықталған аудиторияда жүзеге асырылуы тиіс.

18. Сканерлеу аяқталғаннан кейін кезекші жауап парақтары мен шимай парақтарын мөрлейді және ұйымдастыру комитетінің өкіліне тапсырады.

19. Олимпиадағы қатысушылар өздерінің дербес деректерін өңдеуге: орындалған тапсырмаларды жинауға, жүйелеуге, сақтауға, аудиожазба мен бейне түсірілімді жүргізуге және сақтауға, қатысушылардың шифрланған жұмыстарын, олимпиада нәтижелері бар хаттамаларды бейне жазбаларын жариялауға келісім береді. Ұйымдастырушылар олимпиада басталғанға дейін қатысушылардың ата-аналарынан немесе заңды қамқоршыларынан келісім алуы керек. *Қосымша-1.*

20. Жұмысты объективті бағалау құқығын қамтамасыз ету мақсатында Олимпиадаға қатысушылар әр тапсырмаға/тармаққа/бөлімге келіспеу себептерін көрсете отырып, белгілі бір өтініш нысанын толтырып, қойылған ұпайлармен келіспеу туралы апелляцияға беруге құқылы. Апелляция олимпиада аяқталғаннан кейінгі келесі күні өтеді. Әр оқушыға 5-10 минут уақыт беріледі. *Қосымша-2.*

21. Қорытынды кезеңге қатысуға арналған өтінім Almaty.daryny@mail.ru электронды поштасына жолдануы тиіс. Өтінім өңірлік «Дарын» орталықтары, «Назарбаев Зияткерлік мектептері» ДББҰ және республикалық білім беру ұйымдарының басшысының қолымен бекітілген қатысушылар тізімі ретінде ұсынылады.

22. Олимпиадаға қатысатын оқушылардың білім беру ұйымының әрбір басшысы оқушының өмірі мен қауіпсіздігіне жауапты жетекшінің сүйемелдеуімен оқушыларды іссапарға жіберу туралы бұйрық шығаруы тиіс. Олимпиада өтетін жерге барар жолда жол полициясының сүйемелдеуімен қамтамасыз етілуі тиіс.

4. Жеңімпаздар мен жүлдегерлерді марапаттау

23. Қорытынды кезең бойынша Олимпиаданың жеңімпаздары мен жүлдегерлері I, II, III дәрежелі дипломдармен марапатталады. Әр сыныптан жүлделі орындар саны – 6 (I орын – 1, II орын – 2, III орын – 3).

24. Барлық қатысушыларға олимпиадаға қатысқаны туралы сертификаттар беріледі.

алынуы мүмкін.

Мен осындай келісім бере отырып, өз еркіммен және өз мүдделеріммен әрекет ететінімді растаймын.

(Қолы)

(Қолтаңбаны толық жазу)

(күні)

8-9 сынып оқушыларына
арналған Аягүл Миразова атындағы
республикалық математикалық
олимпиадасы бойынша қазылар
алқасының төрағасына

_____ (білім беру мекемесінің толық атауы)

_____ СЫНЫП ОҚУШЫСЫ

_____ (тегі, аты-жөні)

Апелляцияға өтініш

Мен берген шешімдерді және олимпиадалық жұмыстың келесі тапсырмаларына жауаптарды қайта қарастыруды сұраймын. Өтініш негіздемесі (қатысушының пікірі бойынша, неғұрлым жоғары бағалауға мүмкіндік беретін дәлелдер).

Апелляция қорытындыларымен келісемін/келіспеймін (таңдалғанның асты сызылсын)

Мерзімі: _____ 2026 жыл

Қолы _____ Аты-жөні _____